



*"Semua rakyat harus mengambil berat tentang hak dan juga tanggungjawab untuk menggunakan undi mereka dengan bebas untuk kebaikan bersama." (Gaudium et spes – Church in the Modern World, n.75).*

Saudara-saudari yang dikasihi dalam Kristus,

Kita telah menyaksikan pergolakan politik yang belum pernah berlaku di negara kita sejak beberapa tahun kebelakangan ini, dengan kehendak rakyat yang dinyatakan dalam pilihan raya umum yang lalu telah diperlekehkan oleh ahli politik yang mementingkan diri sendiri berebut kuasa mengkhianati pengundi mereka sendiri dan menyalahgunakan mandat yang diberikan kepada mereka. Ramai di antara kita masih diselubungi dengan penipuan ini dan menjadi kecewa terhadap proses demokrasi.

Tetapi sekarang apabila peluang baru muncul dihadapan kita sebagai sebuah negara di persimpangan jalan, ini adalah peluang untuk membetulkan kesilapan dan menghantar mesej yang lantang kepada semua ahli politik bahawa mereka bertanggungjawab kepada orang yang meletakkan mereka dalam kedudukan yang berkuasa, ia adalah tanggungjawab kepada kita untuk melaksanakannya bukan sahaja kewajipan negara kita tetapi juga kewajipan sebagai seorang Kristian untuk melaksanakan hak kita untuk mengundi. Mengundi juga menyatakan rasa cinta kita kepada negara dan rakyat.

Katekismus Gereja Katolik turut mengajar bahawa "ketaatan kepada pihak berkuasa dan tanggungjawab bersama untuk kebaikan semua menjadikannya kewajipan moral kita untuk membayar cukai, menggunakan hak mengundi, dan mempertahankan negara." (CCC 2240)

Kita mesti mengundi melalui pertimbangan doa dan mengikut hati nurani kita yang dibentuk oleh iman Katolik. Kita juga harus mempertimbangkan perkara-perkara berikut sebelum membuat keputusan:

1. Meneliti pendirian calon dan partinya mengenai kebebasan beragama dan melindungi hak minoriti;
2. Memastikan bahawa mereka mestilah seorang yang berintegriti, bebas daripada rasuah;
3. Jika calon adalah penyandang, semak prestasi mereka sejak pilihan raya umum lalu;
4. Adakah calon seseorang yang boleh dipercayai dan bertanggungjawab kepada pengundi atau dia telah bertukar pakatan politik lain untuk kepentingan peribadi?

Sebagai persediaan untuk perkara ini, kami para paderi Holy Family Kajang ingin menyeru semua umat untuk bersama-sama berdoa dan membawa keprihatinan dan proses kebijaksanaan memilih kita di hadapan Tuhan dalam Sakramen Mahakudus. Menjelang PRU 15 pada 19 November, kita akan mengadakan Saat Teduh pada setiap Jumaat berturut-turut (11/11 dan 18/11) pada jam 8 malam. Kita berbuat demikian kerana yakin bahawa nasib kita di tangan Tuhan. "Jikalau bukan Tuhan yang mengawal kota, maka sia-sialah pengawal berjaga-jaga." (Mazmur 127:1)



Semoga Roh Kudus, memberikan kita kebijaksanaan dan ketabahan yang kita perlukan dalam memilih mereka yang akan mewakili dan memimpin kita dalam kerajaan negara dan negeri kita. Oleh itu, kami menyeru anda, bangkitlah, tegakkan kebaikan bersama negara kita, pilihlah dengan bijak, dan undi anda akan menjadi rahmat bagi negara kita.

Tuhan memberkati Malaysia!

Gembala-gembala-Mu yang penuh kasih,

Fr Michael Chua, Fr Philip Chua dan Fr Bonaventure

6hb November 2022

Hari Minggu Biasa ke-32